

**KANTON SARAJEVO  
MINISTARSTVO KULTURE I SPORTA  
JAVNA USTANOVA „MUZEJ SARAJEVA“  
UPRAVNI ODBOR**

**PRAVILNIK O IZMJENAMA I DOPUNAMA  
PRAVILNIKA O RADU**

**Sarajevo, maj 2024. godine**

Na osnovu člana 27. stav 1. alineja 6. i 37. stav (2) Zakona o ustanovama („Službeni list RBiH“ broj: 6/92, 8/93 i 13/94), člana 118. Zakona o radu („Službene novine Federacije BiH“ broj: 26/16, 89/18 i 44/22), člana 23. Uredbe o postupku prijema u radni odnosu javnom sektoru na teritoriji Kantona Sarajevo („Službene novine Kantona Sarajevo“, broj: 19/21 i 10/22), člana 1. i 2. Odluke o Registru zaposlenih u javnom sektoru na području Kantona Sarajevo („Službene novine Kantona Sarajevo“, broj: 9/19), člana 179. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj 10/23 i 12/24) i člana 40. Pravila Muzeja Sarajevo (broj: 035.4/17 od 30.03.2017. godine i broj: 020-01-1.3/2023 od 27.01.2023. godine), a nakon obavljenih konsultacija sa Sindikalnom organizacijom Javne ustanove „Muzej Sarajevo“ Upravni odbor Javne ustanove „Muzej Sarajevo“ na 2. sjednici održanoj 09.05.2024. godine donosi:

## **PRAVILNIK O IZMJENAMA I DOPUNAMA PRAVILNIKA ORADU**

### **Član 1.**

#### **(Izmjena člana 102.)**

U Pravilniku o radu Javne ustanove „Muzej Sarajevo“ (broj: 085-01-1.4/2023 od 17.04.2023. godine) u članu 102. dodaje se stav (6) koji glasi:

”(6) Ukoliko se osnovna plaća isplaćuje u iznosu od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, u tom slučaju se na taj iznos vrši uvećanje plaće za 10%.”

### **Član 2.**

#### **(Izmjena člana 121.)**

Član 121. stav (1) Pravilnika mijenja se i glasi:

”(1) Radnik ima pravo na otpremninu prilikom odlaska u penziju u iznosu od šest njegovih plaća u prethodnih šest mjeseci ili šest prosječnih mjesečnih plaća isplaćenih u Federaciji Bosne i Hercegovine prema posljednjem objavljenom podatku Federalnog zavoda za statistiku, ako je to za njega povoljnije.”

### **Član 3.**

#### **(Stupanje na snagu)**

U ostalim dijelovima važeći Pravilnik ostaje nepromijenjen, a Pravilnik o izmjenama i dopunama Pravilnika o radu u JU ”Muzej Sarajevo” činit će sastavni dio istog.

Ovaj Pravilnik stupa na snagu danom dobijanja Mišljenja Ministarstva kulture i sporta Kantona Sarajevo, a objavit će se u ”Službenim novinama Kantona Sarajevo”, na oglasnoj ploči i web stranici Muzeja.

**Broj: 538-01-1/24**  
**Sarajevo, 09.05.2024.**



Predsjednik v.d. Upravnog odbora  
Javne Ustanove Muzej Sarajevo

**Esad Vesković**

## **O B R A Z L O Ž E N J E**

### **(1) PRAVNI OSNOV**

Pravni osnov je sadržan u članu 27. stav 1. alineja 6. i 37. stav (2) Zakona o ustanovama („Službeni list RBiH“ broj: 6/92, 8/93 i 13/94), članu 118. Zakona o radu (“Službene novine Federacije BiH” broj: 26/16, 89/18 i 44/22), članu 23. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21 i 10/22), članu 1. i 2. Odluke o Registru zaposlenih u javnom sektoru na području Kantona Sarajevo („Službene novine Kantona Sarajevo“, broj: 9/19), članu 179. Kolektivnog ugovora za djelatnost kulture u Kantonu Sarajevo (“Službene novine Kantona Sarajevo”, broj 10/23 i 12/24) i članu 40. Pravila Muzeja Sarajevo (broj: 035.4/17 od 30.03.2017.g.i broj: 020-01-1.3/2023 od 27.01.2023.godine).

Pravilnik o radu je pravno tehnički usklađen sa Jedinstvenim pravilima za izradu pravnih propisa u institucijama BiH („Službeni glasnik BiH“, br. 11/05, 58/2014, 60/2014, 50/2017 i 70/2017 - ispravka) i preporukom da se ista primjenjuju i kod izrade pojedinačnih akata.

### **(2) RAZLOZI ZA DONOŠENJE PRAVILNIKA O IZMJENAMA I DOPUNAMA PRAVILNIKA O RADU I OBJAŠNJENJE ODABRANE POLITIKE**

Osnovni razlog za donošenje Pravilnika o izmjenama i dopunama Pravilnika o radu Javne ustanove “Muzej Sarajeva” je usklađivanje sa odredbama Kolektivnog ugovora o izmjenama kolektivnog ugovora za djelatnost kulture u Kantonu Sarajevo koji je objavljen u “Službenim novinama Kantona Sarajevo”, broj 12/24.

Saglasno navedenom, Upravni odbor Javne ustanove “Muzej Sarajeva” je donio Pravilnik o izmjenama i dopunama Pravilnika o radu i isti će se dostaviti resornom Ministarstvu kulture i sporta Kantona Sarajevo radi dobijanja Mišljenja.

### **(3) PRINCIPI NA KOJIMA JE ZASNOVAN PRAVILNIK**

Principi na kojima je zasnovan ovaj Pravilnik su: zakonitost, stručnost, racionalnoost i efikasnost izvršavanja poslova i zadataka, blagovremeno i efikasno ostvarivanje prava i obaveza građana, preduzeća i drugih organizacija i zajednica, efikasno rukovođenje i nadzor nad izvršavanjem poslova i zadataka, saradnja sa drugim organima, organizacijama, zajednicama i institucijama, puna zaposlenost radnika i maksimalno korištenje njihovih stručnih znanja i radnih sposobnosti i informiranje javnosti o radu Javne ustanove „Muzej Sarajeva“.